



越城縣廣勝寺

瑜伽師地論釋一卷

壁

軍勝子等諸菩薩造

三藏法師玄奘奉

詔譯

本地分中五識相應地之一

敬禮天人大覺尊 福德智慧皆圓滿
無上文義真妙法 正知受學聖賢眾
稽首無勝大慈氏 普為利樂諸有情
廣採眾經真要義 略說五分瑜伽者
歸命法流妙定力 發起無著功德名
能於聖者無勝海 引出最極法甘露
食受美音自滿足 復為饒益諸世間
等注無窮字花雨 榮潤牟尼如意樹
此論殊勝若蓮花 猶妙寶藏如大海
具顯諸乘廣大義 善釋其文無有遺
於此瑜伽大論中 我今隨力釋少分
為令正法常無盡 利益安樂諸合識
今說此論所為去何謂有二緣故說
此論一為如來无上法教久住世故
二為平等利益安樂諸有情故復有
二緣故說此論一為如來甘露聖教
已隱沒者憶念採集重開顯故未隱
沒者問答決擇倍興感故二為一切

瑜伽師地論釋 第三張 壁字號

有情界中有種姓者各依自乘修出世善得三乘果出生死故無種姓者依人天乘修世間善得人天果脫惡趣故復有二緣故說此論一者或有於多說空不了義經如言計著撥无一切憎背有教為令隨悟諸法有相解經密意捨無見故二者復有於多說有不了義經如言計著執有一切獸怖空教為令隨悟諸法无相解經密意捨有見故復有二緣故說此論一為成就菩薩種姓補特伽羅唯依大教遍於諸乘文義行果生巧便智斷一切障修一切善證佛菩提窮未來際自他利樂无休廢故二為成就二乘種姓及無種姓補特伽羅亦依大教各於自乘文義行果生巧便智斷煩惱障伏諸蓋纏修自分善得自乘果出離三界諸惡趣故復有二緣故說此論一者或有宿習無知猶豫顛倒執著外道小乘邪教故於大乘不能信解為善分別大乘法相令其信解了達決定離顛倒故二者復有聞諸契經種種意趣甚深難解其心

迷亂誹毀不信為善開示令生信解
饒益彼故復有二緣故說此論一為
攝益樂略言論勤修行者採集眾經
廣要法義略分別故二為攝益樂廣
言論勤說法者於一一法開亦無邊
差別義故復有二緣故說此論一為
開顯諸法實相問答決擇立正論教
二為滅除一切妄執問答決擇破邪
論故復有二緣故說此論一為顯了
遍計所執情有理無依他起性圓成
實性理有情無令捨增益損減執故
二為顯了世間道理證得勝義法門
差別令修二諦無倒解故復有二緣
故說此論一為開闡隨轉真實二種
理門令知二藏三藏法教不相違故
二為開闡因緣唯識无相真如四種
理門令修觀行有差別故復有二緣
故說此論一為示現境界差別令知
諸法自性相狀位差別故二為示現
修行差別令知三乘方便根本果差
別故如是等類所為諸緣處處經論
種種異說當知皆是此論所為
今說此論所因云何謂諸有情無始

時來於一切法處中實相無知疑惑
顛倒僻執起諸煩惱發有漏業輪迴
五趣受三大苦如來出世隨其所宜
方便為說種種妙法處中實相令諸
有情知一切法如是如是空故非有
如是如有故非空了達諸法非空
非有遠離疑惑顛倒僻執隨其種姓
起處中行漸次修滿隨其所應永滅
諸障得三菩提證寂滅樂佛涅槃後
魔事紛起部執競興多著有見龍猛
菩薩證極喜地採集大乘無相空教
造中論等究暢真要除彼有見聖提
婆等諸大論師造百論等如闡大義
由是眾生復著空見無著菩薩位登
初地證法光定得大神通事大慈尊
請說此論理无不窮事無不盡文無
不釋義无不詮疑無不遣執無不破
行無不修果無不證正為菩薩令於
諸乘境行果等皆得善巧勤修大行
證大菩提廣為有情常无倒說兼為
餘乘令依自法修自分行得自果證
如是略說此論所因
今說瑜伽師地論者名義云何謂一

切乘境行果等所有諸法皆名瑜伽
一切並有方便善巧相應義故境瑜
伽者謂一切境無顛倒性不相違性
能隨順性趣究竟性與正理教行果
相應故名瑜伽此境瑜伽雖通一切
然諸經論就相隨機種種異說或說
諸法四種道理名為瑜伽觀待作用
法今證成惣攝一切正道理故或說
二十四不相應行中一名瑜伽因果
相稱無乖違故此二並如決擇分等
處處廣說或說雜染清淨無性名為
瑜伽除違契順寂為勝故如大梵問
契經等說諸瑜伽師觀无少法可令
其生及可令滅亦无少法欲令證得
及欲現觀謂於一切雜染無性瑜伽
中行觀無少法可令其生及可令滅
及於一切清淨无性瑜伽中行觀无
少法欲令證得及欲現觀或說究竟
清淨真如名為瑜伽理中寂極一切
功德共相應故如入楞伽契經中說
若觀真義除去分別遠離瑕穢无有
能取亦無所取無解无縛今時在定
當見瑜伽不應疑慮大義經中說從

一法增至百法皆名瑜伽法門雖別義無違故廣義經中說蓋界處緣起諦等皆名瑜伽攝一切境順機宜故於如是等諸經論中說一切境皆名瑜伽惣具四性順四法故行瑜伽者謂一切行更相順故稱正理故順正教故趣正果故說名瑜伽此行瑜伽雖通諸行然諸經論就相隨機種種異說如辯瑜伽師地經中正修諸行說名瑜伽惣攝一切相應行故月燈經中修三十七菩提分法說名瑜伽此於一切順果行中寂為勝故於大分別六處經中辨奢摩他毗鉢舍解平等運道說名瑜伽如是正觀衆行主故海慧經中修三摩地說名瑜伽住心發行此寂強故顯揚論等信欲方便精進四法說名瑜伽作意或智說名方便此四通生一切行故聞所成地別辨九道說名瑜伽會理除惑位別勝故謂世出世加行無閒解脫勝進軟中上道修所成地惣辨修習諸對治道說名瑜伽為樂略者惣說修故有處說緣諸地所攝无顛倒智

名為瑜伽緣諸地法無顛倒智行中勝故有處復說方便善巧或唯方便名為瑜伽作意與智發行勝故或就取初發悟勝故功德實性契經中說諸緣起觀名為瑜伽緣起觀智於出生死寂為要故正行經中說正見等八支聖道名為瑜伽趣涅槃城此為勝故毗奈耶經說修戒等名曰瑜伽戒定慧學因中勝故大義經中說修一切世出世行分位差別皆名瑜伽正行階位相符順故如是皆說共聲聞行名為瑜伽通證三乘行中勝故慧到彼岸契經中說觀空作意名為瑜伽發起大行此寂勝故如彼經言菩薩所有大瑜伽者謂空作意菩薩由此空作意故不墮聲聞及獨覺地乃至能淨諸佛土等即彼經中復說般若波羅蜜多名勝瑜伽導大乘行此殊勝故如彼經言菩薩所有諸瑜伽中慧度瑜伽寂上寂勝廣說乃至是無等等何以故如是般若波羅蜜多是為无上瑜伽法故餘處說此慧度所攝無分別定名為瑜伽能發一

切勝功德故餘處復說菩薩所有殊勝慈悲平等雙轉名為瑜伽能證无住大涅槃故如是等說諸不共行名為瑜伽能證無上佛菩提故於如是等諸經論中說一切行皆名瑜伽具上所說四種義故果瑜伽者謂一切果更相順故合正理故順正教故稱正因故說名瑜伽此果瑜伽雖通諸果然諸經論就相隨機種種異說分別義經說力無畏不共佛法名曰瑜伽能伏諸魔制諸異論勝餘乘故殊勝經中說佛所證無住涅槃名為瑜伽盡未來際無所住故大義經中說如來地无分別智及以大悲名為瑜伽自利利他常无盡故辨說瑜伽師地經中佛地功德皆名瑜伽窮於法界无斷盡故分別三乘功德經中三乘果德名為瑜伽皆與正理等相應故讚佛論說三身三德皆是瑜伽一切果德不相離故集義論說果位所攝有為无為諸功德聚皆是瑜伽等至究竟和合位故於如是等諸經論中一切果德皆名瑜伽具上義故如

是聖教亦名瑜伽稱正理故順正行故引正果故有義正取三乘觀行說名瑜伽數數進修合理順行得勝果故境界聖教瑜伽境故瑜伽果故詮字尚遍擾動聖言大海何況具說瑜伽師地恐難受持故且略說三乘行者由聞思等次第習行如是瑜伽隨分滿足展轉調化諸有情故名瑜伽師或諸如來證瑜伽滿隨其所應持此瑜伽調化一切聖弟子等今其次第修正行故名瑜伽師地謂境界所依所行或所攝義是瑜伽師所行境界故名為地如龍馬地唯此中行不出外故或瑜伽師依此處所增長白法故名為地如緣穡地或瑜伽師地所攝智依此現行依此增長故名為地如珍寶地或瑜伽師行在此中受用白法故名為地如牛王地或諸如來名瑜伽師平等智等行在一切無戲論界無住涅槃瑜伽中故是彼所攝故名為地或十七地攝屬一切瑜伽師故如國王地是故說名瑜伽師

地問答決擇諸法性相故名為論欲令證得瑜伽師地而說此論故以為名如對法論或復此論無倒辨說瑜伽師地故以為稱如十地經或復此論依止此地故以為号如水陸花由是論名瑜伽師地今此論體惣有五分一本本地分略廣分別十七地義二攝決擇分略攝決擇十七地中深隱要義三攝釋分略攝解釋諸經儀則四攝異門分略攝經中所有諸法名義差別五攝事分略攝三藏眾要事義此論既有如是五分何故但名瑜伽師地就初立名故無有失又一切法無不皆是瑜伽師地以瑜伽師用一切法為依緣故此中存略且說十七又十七地具攝一切文義略盡後之四分皆為解釋十七地中諸要文義故亦不離瑜伽師地由是此論用十七地以為宗要雖復通明諸乘境界等然說論者問答決擇諸法性相意為菩薩令於一切皆得善巧修成佛果利樂無窮是故此論屬菩薩藏阿毗達磨欲令菩薩

得勝智故 論曰云何瑜伽師地謂十七地釋曰初問云何瑜伽師地者惣問此論一部宗要問者先聞諸經所說瑜伽師地其義未了故為此問謂辨瑜伽師地經中數說正修瑜伽師地月燈經中亦說修習瑜伽師地如是非一如前廣說或作論者先惣受請論體五分盡在中心欲為學徒分別解說自假興問為起說因故問云何瑜伽師地若不尔者先無略說无容歛問此地去何又發問者略有五種一不解故問二疑惑故問三試驗故問四輕觸故問五為欲利樂有情故問今是第五專為利樂諸有情類造斯論故謂十七地者惣集所說瑜伽師地略有十七若廣安立地位無邊一一地中分位差別義无邊故如是一轉惣問惣答論曰何等十七地南曰五識相應意有尋伺等三三摩地俱非有心無心地聞思修所立如是具三乘有依及无依是名十七地釋曰何緣更問何等十七雖聞惣數

瑜伽師地論釋 第十三卷 蓮華字

未了別名故復為問。問：旻陀南者先略頌。答：略集地名。施諸學者名。旻陀南五識相應者。謂五識身相應地。意謂意地有尋伺等三者。謂有尋有伺等三地。三摩地俱者。謂三摩地俱名。三摩四多地非者。謂非三摩地俱名。非三摩四多地。此就一相且別地名。非盡理說。如是二名。牙寬狹。故三摩地名。通定不定。唯在有心。三摩四多通有心位。及無心位。唯在定。如後廣說。如是具三乘者。謂由如是聞等地。故或由如是上諸地。故得具三乘。及有餘依無餘依地。一別名。如後廣釋。論曰：一者五識身相應地。二者意地。三者有尋有伺地。四者無尋唯伺地。五者無尋無伺地。六者三摩四多地。七者非三摩四多地。八者有心地。九者無心地。十者聞所成地。十一者思所成地。十二者修所成地。十三者聲聞地。十四者獨覺地。十五者菩薩地。十六者有餘依地。十七者無餘依地。如是略說十七名為瑜伽師地。

瑜伽師地論釋 第十三卷 蓮華字

相應地者。謂眼等根。是眼等識不共所依。眼等不為餘識依。故又是親依。眼等利。能識明。味。故又同時。依必俱。有故。非如意等。由是五識用。眼等根。標別其名。猶如。麥芽。如。鼓聲。等。故名。五識由所依。根有形。身。故。又必不離。所依。身故。猶如。身。受。故名。為。身。又。復。身者。依義。體義。如。六識。身。六思。身。等。依五識。身。建立。此。地。故名。相應。如。律。中。說。王。相應。論。賊。相應。論。謂。依。王。賊。而。興。言。論。此。亦。如。是。雖。此。地。中。分。別。多。法。五。識。為。主。是。故。偏。說。又。五。識。身。相應。心。品。惣。名。相應。於。此。地。中。雖。明。多。法。以。心。心。所。勝。故。別。說。又。相應。者。是。攝。屬。義。謂。此。地。中。說。五。識。身。所。攝。屬。法。即是。自。性。所。依。所。緣。助。伴。作。業。故名。相應。地。如。前。說。自。後。諸。地。識。身。相應。隨。其。所。應。亦。有。通。者。略。故。不。說。言。意。地。者。六。七。八。識。同。依。意。根。略。去。識。身。相應。三。語。故。但。言。意。又。實。義。門。雖。有。入。識。然。隨。機。門。但。有。六。識。六。七。八。識。同。第。六。攝。就。所。依。名。故。但。言。意。所。依。非。色。或。離。於。身。猶。如。心。受。故。不。

瑜伽師地論釋 第十四卷 蓮華字

言身相應。唯前故。略不說。又六七八。雖皆同。有心意識。心法。意。處。識。蘊。攝。故。然。意。義。等。故。但。言。意。皆。是。思。量。意。根。攝。故。第。八。持。種。心。義。偏。強。第。六。普。遍。了。別。境。界。識。義。偏。強。是。故。不。說。心。地。識。地。身。及。相應。略。故。不。說。地。義。如。前。何。緣。五。識。合。立。一。地。說。在。最。初。餘。識。立。一。說。在。第。二。五。識。同。無。當。說。分。別。所。緣。等。業。所。說。事。少。故。合。立。一。說。在。最。初。意。地。翻。此。故。別。立。一。說。在。第。二。又。以。五。識。同。依。色。根。別。緣。色。境。故。合。立。一。餘。依。無。色。所。緣。不。定。故。別。立。一。自。性。依。緣。麁。細。次。第。故。說。先。後。又。以。五。識。同。現。量。攝。故。合。立。一。說。在。最。初。餘。識。不。定。或。現。或。比。或。非。量。攝。故。別。立。一。說。在。第。二。如。是。二。地。自。性。依。緣。助。伴。作。業。合。為。體。故。攝。一。切。法。應。知。此。中。以。一。切。法。不。離。識。故。依。識。起。故。識。為。體。故。識。最。勝。故。先。依。八。識。建。立。二。地。如。是。八。識。自。性。依。緣。助。伴。業。等。後。當。廣。說。有。尋。有。伺。等。三。地。者。尋。謂。尋。求。伺。謂。

伺察或思或慧於境推求廣位名尋
即此二種於境審察細位名伺非一
刹那二法相應一類廣細前後異故
今依此二建立三地有義此三就二
前後相應建立謂欲界地及初靜慮
廣心心所前後相續可有尋伺共相
應故名有尋有伺地靜慮中間廣心
心所前後相續定無有尋唯可與伺
共相應故名無尋唯伺地第二靜慮
已上諸地諸心心所前後相續決定
不與尋伺相應名無尋無伺地若欲
界地及初靜慮靜慮中間細心心所
不與尋伺共相應者及一切色不相
應行諸法無為法不與尋伺共相應故
亦皆說名無尋無伺地故後論言有
尋有伺地無尋唯伺地一向是有心
地无心睡眠無心悶絕无相定無相
生滅盡定及無餘依涅槃界名无心
地有義此三就二離欲分位建立謂
欲界地及初靜慮諸法假者於尋及
伺並未離欲名有尋有伺地靜慮中
間諸法假者尋已離欲伺未離欲名
無尋唯伺地第二靜慮已上諸地諸

法假者於尋及伺並已離欲名無尋
無伺地若在下地並已離欲亦得說
名無尋無伺故後論言此中由離尋
伺欲故說名無尋無伺地不由不現
行故所以者何未離欲界欲者由教
導作意差別故於一時間亦有無尋
無伺意現行已離尋伺欲者亦有尋
伺現行如出彼定及生彼地如實義
者此三但就界地建立謂欲界地及
初靜慮有漏无漏諸法於中尋伺俱
可得故名第一地靜慮中間有漏無
漏諸法於中无尋唯有伺故名第二
地第二靜慮已上諸地有漏無漏諸
法於中尋伺俱无有故名第三地故
後論言此中欲界及初靜慮若定若
生名有尋有伺地靜慮中間若定若
生名無尋唯伺地第二靜慮已上色
界无色界全名無尋无伺地無漏有
為初靜慮定亦名有尋有伺地依尋
伺處法緣真如為境入此定故不由
分別現行故餘如前說若就相應及
就離欲建立三地攝法不盡亦大雜
亂雖言有尋有伺等地唯是有心此

就一門鹿辨地相於此門中唯說第
二靜慮已上無尋无伺地中無想定
無想生滅盡定名無心地餘一切位
名有心地後有四門復異建立如後
當說雖言此中由離尋伺欲故說名
無尋无伺地然唯說彼第二靜慮已
上諸地必定已離尋伺地欲不言已
離尋伺欲者下地諸法亦得說名无
尋无伺若如是者未離下地尋伺欲
者上地諸法亦應說名有尋伺等如
是建立成大雜亂是故此三唯就界
地上下建立
所言三摩呬多地者謂勝定地離沉
掉等平等能引或引平等或是平等
所引發故名等引地有義此名唯攝
一切有心諸定皆能平等引功德故
不通無心以前頌中言三摩地俱故
三摩地者是別境中心數法故二無
心定不能等引諸功德故非等引地
若尔何故等引地說此等引地略有
四種謂靜慮解脫等持等至言靜慮
者謂四靜慮言解脫者謂八解脫言
等持者謂空等持無願等持无相等

瑜伽師地論釋 第十八張 舊字號

持言等至者謂五現見等至八勝處等至十遍處等至四無色等至無想等至滅盡等至此無有失二無心定是等引果故與其名實非等引有義此名通有心位及無心位所有定體若有心定平等能引諸功德故亦引平等根大等故及離沉掉或无悔等平等方便所引發故名為等引若無心定雖不能引殊勝功德而引平等根大等故是平等定所引發故亦名等引若余何故前頌中言三摩地俱此無有失頌中文略且言彼俱其實等引非俱亦是後說等引通无心故如實義者等引地名有通有局有心無心兩位俱攝故名為通後說無想滅盡定亦是等引地體故唯在有漏无漏勝定非欲界等一切散心故名為局以後說言唯靜慮等名等引地非於欲界心一境性由此等引無悔歡喜安樂所引欲界不亦准此上界若在散心亦非等引同欲界故由此相對得作四句或等持俱非等引地謂欲界等散心位中三摩地俱心

瑜伽師地論釋 第十九張 舊字號

所等或等引地非等持俱謂定位中三摩地體及无想定滅盡定位所有諸法或等持俱亦等引地謂諸靜慮及諸無色有心定位心所等除三摩地或有俱非謂除上位所有諸法又三摩地三摩鉢底三摩四多者有寬狹三摩地名目心數中等持一法通攝一切有心位中心一境性通定散位然諸經論就勝但說空无願等名三摩地三摩鉢底通目一切有心無心諸定立中所有定體諸經論中就勝唯說五現見等相應諸定名為等至等引地名通目一切有心無心定位功德故此地中通攝一切定位功德由是惣故偏目地名言非三摩四多地者翻上易了無煩廣釋如是二地惣攝一切定非定位所有諸法所言有心無心地者略就五門建立老別一就地惣說門謂五識身相應地意地有尋有伺地無尋唯伺地此四一向是有心地无尋無伺地中除无想定并无想定及滅盡定所餘一向是有心地若无想定并無想定及

瑜伽師地論釋 第二十張 舊字號

滅盡定是无心地於此門中无心睡眠無心悶絕亦名有心有七八故唯无想定等心不相應行與心相違名无心地二心乱不乱門謂四倒等所倒乱心名無心地失本性故三心生不生門謂若緣具此心得生名有心地若緣不具彼心不生名无心地於此門中隨此心生名有心地彼心不生名無心地四分位建立門謂除六絕位無想定位无想定位滅盡定位及无餘依涅槃界位名無心地五就真實義門謂唯无餘依涅槃界中諸心皆滅名无心地餘位由無諸轉識故假名无心由第八識未滅盡故名有心地如是二地諸門差別進退不定聞所成地者謂從聞所生解文義慧及慧相應心心所等思所成地者謂從思所生解法相慧及慧相應心心所等修所成地者謂從修所生解理事慧及慧相應心心所等聞謂聽聞即是耳根發生耳識聞言教故思謂思慮即是思數發生智慧思擇法故

修謂修習即是勝定發生智慧修對治故從此三種發生三慧及相應法等名三地體三慧廣義如後分別如是三地用三慧品心心所等及所得果以為自性故後論言修所成地亦是有餘無餘依地

聲聞地者謂佛聖教聲為上首從師友所聞此教聲展轉修證永出世間小行小果故名聲聞如是聲聞種性發心修行得果一切惣說為聲聞地獨覺地者常樂寂靜不欲雜居修加行滿無師友教自然獨悟永出世間中行中果故名獨覺或觀待緣而悟聖果亦名緣覺如是獨覺種性發心修行得果一切惣說為獨覺地菩薩地者怖求大覺悲愍有情或求菩提志願堅猛長時修證永出世間大行大果故名菩薩如是菩薩種性發心修行得果一切惣說為菩薩地三乘大義後當廣辨有餘依地者謂有餘依涅槃地也依者即是有漏所依略有八種一施設依謂五取蘊由依此故施設假者名種性等二攝受依謂

七攝事即自父母妻子奴婢作使僮僕朋友眷屬三住持依謂四種食四流轉依謂四識住十二緣起五障障依謂諸天魔六苦惱依謂諸欲界七適悅依謂諸定樂八後邊依謂阿羅漢相續諸蘊今全取一取後邊依除六攝事流轉障尋取餘一分又此地中有四寂靜一苦寂靜謂當來苦畢竟不生二感寂靜謂諸煩惱畢竟不生三業寂靜謂不造惡修習諸善四捨寂靜謂六恒住於六根門不喜不憂安住上捨正念正知阿羅漢等住无學地具四寂靜有少餘依是故說名有餘依地此地即是二乘无學身中有漏無漏諸法惣為自性如來雖無真實身心有漏餘依而有變化似有漏依故就化相亦得說名有餘依地无餘依地者謂無餘依涅槃地也一切有漏餘依皆捨二乘有為無漏亦捨如來雖有有為无漏而無一切有漏餘依故亦說名无餘依地於此地中唯有清淨真如所顯甚深功德離諸分別絕諸戲論不可說為蘊界

處等及人天等若即若離若有若无所有名相皆是假說有義此地正用究竟擇滅真如無為為性兼以如來有為无漏功德為性如來功德甚深離相不可說故不言亦攝五識地等理實亦攝有義如來有為功德有餘依攝无為功德無餘依攝故後論言無餘依也五地一分謂無心地修所成地聲聞獨覺及菩薩地

瑜伽師地論釋一卷

瑜伽師地論釋一卷

校勘記

- 一 底本，金藏廣勝寺本。
- 一 六八二頁中一行「一卷」，**資**、**磧**、**普**、**南**、**徑**、**清**無。
- 一 六八二頁中三行「三藏」，**石**、**徑**、**清**作「唐三藏」。
- 一 六八二頁中一行首字「食」，諸本作「食」。
- 一 六八三頁下三行第三字「謂」，**資**、**磧**、**普**、**南**、**徑**、**清**無。
- 一 六八四頁上一四行「正觀」，**石**、**麗**作「止觀」。
- 一 六八五頁上四行末字「詮」，**麗**作「論」。
- 一 六八五頁上一三行第一三字「行」，**資**、**磧**、**普**、**南**、**徑**、**清**作「共行」。
- 一 六八五頁上一五行末字及一九行第二字「白」，**資**、**磧**、**普**、**南**、**徑**、**清**作「自」。
- 一 六八五頁下末行第一二字「聞」，
- 一 **石**作「問」。
- 一 六八六頁中一九行「入識」，諸本作「八識」。
- 一 六八六頁中二〇行末字「門」，**資**、**磧**、**普**、**南**、**徑**、**清**作「問」。
- 一 六八六頁下一行第五字「唯」，諸本作「准」。
- 一 六八六頁下一二行第一〇字「別」，**資**、**磧**、**普**、**南**、**徑**、**清**、**麗**無。
- 一 六八七頁上四行首字「令」，**資**、**磧**、**普**、**南**、**徑**、**清**、**麗**作「今」。
- 一 六八七頁上一七行「无相定無相」，諸本作「無想定無想」。
- 一 六八七頁下二行首字「二」，**麗**作「一」。
- 一 六八八頁上七行第一一字「或」，**資**、**磧**、**普**、**南**、**徑**、**清**、**麗**作「戒」。
- 一 六八八頁中五行「所有」，**徑**作「有所」。
- 一 六八八頁中一行第五字「立」，諸本作「位」。
- 一 六八九頁上七行「謂佛」，**石**作「諸佛」。
- 一 六八九頁中一二行首字「憂」，**資**、**磧**、**普**、**南**作「受」。
- 一 六八九頁下末行經名，**徑**無。「一卷」，**普**、**南**、**清**無。